



PO Z'ÈNONDER ENE MIETE LES ÈLÈCTIONS è s' comune, ène candidate moustère sès bèles têtes dsus dès afitches è coleûrs plakêyes dsus tot lès meurs. Èle a minme mètu dsus l' aragnerîye, à vîre à vs' nauje, ène cope d'ôtes di sès portraits à purète.

Po co mia fé, s' concurint a, li, fait fé dès fotos ou i n'muche sès maules-argumints k'pa-dzo sès pwèleûwes mwins ! C'èst amon lès Danwès kça s' passe.

Vos rindès-vos conte si on s'mèteve a fé tot parêy amon nos autes ? Comint adon n'sarîz-v' balziner po stitchî vosse vôtadje è l' bwèsse ? Vos vèyoze-v' tot èfoufiyî dvant dès èwèyants (?) portraits dès Jowèle, Ane-Marêye, Elyo, Lowi, Djan-Marêye, evnd ? I gn'a sakants, k'on n'va nén vos lomer, ki s'è ritrovèrîne sins manke è balotâdje... si on s'mèteve, come on è djôze, au vôtâdje à deûs toûs.

*

I gn'a lontins k'on n'vos a pus fait profiter do scolâdje da VATSYAYANA. Vola don, foû di s' KAMA SOUTRA :

COMINT ÈNE FEUME POUT GAGNER AUJÏMINT DÈS CAURS :

Po dècider s'galant à douvièt lès cwardons di s'boûsse, on s'arindje di deûs manîres :

Pa dès simpes moyins admètus paus lwès odobén avou dès èmantcheûres. Lès vîs spècialisses dîjenut ksi ène comère èst capâbe di tirer di s'galant tot lès caurs k'èle a dandjî, èle èst dins l'bon. Vatsyayana èst li d'avis, ksi èle î arive aujyemint sin rén fé, èle pout lî fé dner l' dobe. Vola adon cki lî faut fé :

1. Chake côp ki lî faut dès parûres, d'l'amougnî, d'l'abwâre, dès fleûrs, do sinbon, dès moussements evnd, èle lî dmande sakants biyèts. Èle ni dispinsra nén tot, è n'achtant k'on côp dsus deûs obén minme rén du tout.

2. Èle li soûle di bias compliment dsus s' grande intèlidjince.

3. Èle lî fait acrwêre k'èle a dès bistokes à fé dins s'famile o l' vichnauve.

4. Èle si plind k'on lî a scroté s'tchèna obén k'èle l'a roviyî ène place o l' ôte

5. Èle lî fait acrwêre ki l' feu s' mètu è s'maujone, ki s'mèskène a skèté tot s' sèrvice d' VauSinLimbêr èt spaurdu l' dinner à tère.

6. Èle lî dît ki s'colî d'pièles s'a dismandjî è tchère è l'euwe.

7. Èle s'arindje po lî fé dîre pa ène sakî k'èle a stî oblidyîye d'rintrer à pîds. K'èle n'avève nén asséz po s'payî l' tacsî.

8. Èle lî fait èvoyî lès facteûres à s'burô.

9. Èle lî dît ki l' moman di s'galant n'èst nén continte dès cadôs k'èle lî a fait.

10. Èle lî dît k'èle n'a nén lès moyins d'rinde visite avou dès fleûrs.

11. Èle lî dît k'èle a dès invîyes d' feume ki ratind.

12. Èle lî dît ki s' vîye moman a dandjî di rmêdes.

13. Èle lî fait comprinde k'il î a falu vinde l' monte ki lî vinève di s'popa po fini l' mwè.


14. Èle lî fait sinte k'il èstève mia di dnêye l'an di dvant.

15...Il è dmère co sèt ôtes k'on n'va nén vos dner. Après, nos lîjeûses vont dîre k'on èst conte z'èles èt lès lîjeûs k'rén n'a kandjî.

On saye di continuer à tot comachî...

A PÈSER ÈT À RPÈSER

Insi k'on vos
l'avéve
promètu, vla
sakants



èssimpes ki vos mostèrenut ki l' walon, co
dins nos boches audjourdu, a branmint
d'pus richènance ki l' françès avou l'
roman djôzé pas nos ratatayons.

C' èst dins l' ortografe do vî tins mins,
come avou l' Feller, si vos lijêz tot wôt, vos
ètindroz ki...

C' isatchîs d' :

“SINT ALEXIS”, Tîbaut d' Vernon, Xie
siêke :

“Por çol vos di, d'un son fil vueil parler...”

“Altre puis altre, mais son perdre i
encontrer,

Ensemble o lui grand masse de ses omes:

Sil reconnut, par son dreit nom le nomet.”

“Nel reconnut nuls sont apartenanz”

“Or set il ben qued il s'en deit aler”

“Come s'en alat e come il s'en revint”

“Nel reconnoissent usque il s'en seit alez”

“Sainz Alexis st el ciel senz dotance”

“**Les 12 compagnons de la Pâ ennie**”,
Turoid, 1096 (?)

“Bel sire reis, jo vos ai servit tant,
Sin ai oût e peines e ahans”

“Ja n'avrez mais guere en vostre vivant”

“Se truis Rollant, ne lerrai que nel mat”

“Kar noz espees sont e bone et trenchant
Nus les feruns vermeilles de chald
sanc”

“Pur sa beltet dames li sunt amies”

“Respont Rollans :”E Deus la nus
ostreit !”

“De vers la teste sur le quer li
descent

Desuz un pin si est alez curant
Sur l'erbe vert s'i est culchiez
adanz”

“**Roman de Thèbes**”, 1150 (?)

“Qui mout ert fel et esragiez”

“Par cest chemin, delez cest
mont”

“Car l'autr'ier fu mis sire
morz”

“Li soper fu apareilliez”

“Car femme est tost menée a
tant

Que on en fait tot son talent”

“**Roman d'Eneas**” (1150)

“Quant apresté furent d'aller

De la sale fu issuz forz”

“Tot forz la cité la moinent,

Au departir grant duel
demoient

Li rois s' enretorne plorant

Turnus alz grant piece avant

Puis que tuit furent retourné”

“Trente feës se pasma”

“Tot ont lo duel renouvelé

Quant la nouvelle fu oë,

La vile an est tote estornie”

“Bien ovree tot d'autre guise”

“Ja mais la lanpe ne charra

Tant com li colons la tanra”

*Si vos l' volèz, pus taurd on pout vos è co
rmète sakants louchîyes ☺*

On saye di continuer à tot comachî...